

تورک یوردی

ناشری: تورک یوردی
مدیری: جلال سامر

۱۳۳۳ صافی ۱۷

۱۱ تشرین اول ۱۳۳۳

۱۴۵ صافی ۱۳ جلد ۶ پیل

۷۴
⑤

آبسه مزانوه = فارس آتا بکلرندن مشهور سعد بن زئیکینک قیزیدر؛ آناسی تورکان خاتون ایدی . فارسیده - موغوللارک حمایه سنده - بیکرمی سنه قادار حکومت سورمشد . هولاکو خانک اوغلی دمیرک قاریسی ایدی . [۶۸۲] ده اولشدر .
دما وار

ایچ ایل معارف مدبری

بسم آنطی

مطبوعات

فکرت ایچون بورجلرمز...

۱۴ ایلول ۱۳۳۳ تاریخی «سوره» غزیه سندن عیناً :

بو هفته کلن استانبول غزیه لری بزه شاعر فضیلتمندمز فکرت بکک ایکنجی سنه دوریه افولنی آ کلاتدیلمز . .

بناء علیه بزده بو خصوصده هم فکرت بکدن وهم ده مقبره فکرت قارشیسنده بزلردن، بزم بور- جلمزندن ، وظیفه لرمزدن بحث ایتک ایسترز . . اساساً بزم قیرق وجانسز قلملرمزک ستایشندن پک وارسته قالان مزرایای فکرت اوقدر یوکسک و سماپیرا که : بلکه عدسه رؤیتک فکرتی احاطه ایده . مدیکه ده بو وسعتدن اولمیدر ! ! نولوم کونی ایله آره مزه — اوموزلرنده برچوق بار متاعب و فجاجع یوکلو اوله رق — کیرن ایکی سنه ده بونجیب و فضیلتکار شاعر مزی بونکله ایکی دفعه آکمش بولونیوروز . . فقط عجبا اوله می؟ عجبا بویه بر ایکی سطرله اوتوجه کائنات فضائی یاد ایله می ۱۹ خبره ، خبره حیاتک ایکنج عشوه کارلقلرندن قاجمش ، عادی و سیاه منفعت دوشونجه لرندن اوزاقلاشمش ، دائماً فضیلته دائماً معالی یه دوغری قوشمش و بونلرک — بدیی و ابدی ذوقلرنی بزلره طاتیرمق ایچون چاغرمش ، باغرمش ، آتمش و نهایت بلکه برانکساراملله — حیاته ختمه ویرمش اولان فکرت او- کنده دویدیغمز وظائف بسبتون بشقه و فضله در . .

فکرت بعضاً کریان ، بعضاً حدید و عصبی فقط هر زمان تزیه و ایپکلی بر قلم ضربه سی ایله بزه بر سمای علویت آلتنده کولن فضیلتک افقلرنی آچدی ، روحلرمزه معالی آتشی یورکلرمزه بشری و وجدانی بر امل کوثری ایثار ایتدی . . فقط بز اوکا قارشی کوزلرمزه برابر یوره کلرمزی ده قاپادق و آیرلقد . . بلکه اوقدر یوکسک آقان شلاله معالیاته دار و منفعتکار روحلرمز تحمل ایده . میوردی ده اونک ایچون ! ! بناء علیه شمدی خیال فکرت اوکنده آغلامق و تعزیزایتمک ایسته یوروز . . بوپک دوغری . . . فقط بویه بر ایکی غزیه تک هان ، هان اعلانات ستونلرینه کیرن بر ایکی سطر ، یا خود مرحومک آشیان الهامکارنده طوبیلانان بر قاج قیمتدار اوداسنک صمیمی احتقالی . . اوکا کافی کله مز ؛ اوبزه بویه کوچوک برسی و همت صرف ایتدی ، یارم عصره یقین بر عمر جهان قیمت حصر ایدن فکرت مهد ایله حد آره سنده قطع ایتدیکی عمر یولنده شخصی منفعت و خاکی دوشونجه مراخلندن

کجیدی، اوبتون فضیلت و معالی افقلرنده قوشدی...

سحار و فوونکار رباندن جیقاردینی نغماتله دردلی اویونمق، یاره لری صارمق ایسته یوردی... نهایت روحی آلهنه تودیع ایدرکن قوجه بر پانتخت خلقتک آردسندن الی کشیلاک بر جنازه آلائی ایله مزارینه کیردی، فقط هیات که بز بواکه نک سیاهلقلرینی حالا آلمزده طاشیرکن یوره کمزده بونی تمیزله مک و قازیمق املی چرینمور...

آجیق سوبله یلم بز — برچوقلرینی اونوتدیغمز گبی — فکرتی ده اونوتمق جنایتی ایشله یورز. فی الحقیقه فکرت ربایله عصرلری آشارق صوک تورک نسلنک قلبنده ده حرمتله یاشایه جقدر... فقط دوشونملی دکلی بز که توفیق هر دقیقه سی بزه مصروف بر عمر جهانقیقی ا کمال ایدرک گوزلرینی دیگر و علوی بر جهان آچارگی اوموزلرمز بر چوق، بجل وظیفه لر یوکادی، بونلری ایفا ایتمه دن بزه ثولورسه ک مزارلرمزده فکرتک بلند و قورسسنک هر زمان بزی تلین ایده جکنه امین اوله لم: «رباب شکسته» شاعرینی استقباله قتل ایچون یالکز کاغدلرله دکل اونی زمانک تخریبکار الیرنک قازیمیه جنی مادی اثرلرله نسلدن نسله هدیه ایدلم. و اونی زیارت ایدن بردشمنه، بر اجنبی به فکرتی یتشدیرن تورک رشیمه حیانتک قیرله میه جنی آ کلاتالم.

حنی دییه بیلرک دیگر ملتک بویوک ناصیه لرینه قارش ایفا ایتدکلری وظائف بزلره آز کله لی. چو. نکه — مع الاسف سوبلیورز — یتشدیردیکمز بو گبی شخصیتلرک محدود بولونمسی بزه اولردن قات قات حرمت و سوکی دویغوسی ویرمیلدر.

خاطر مزده قالدیغه گوره ثولومندن برآز صورته فکرت نامنه آبدرکزی ایچون برچوق تثبئات اجرا ایدلمش، فقط حیف که — اکثر ایشلرمزده اولدینی گبی — بوده عقیم قالمشدی... بناء علیه بو نتیجه سزلسکک یوره کلرمزده طوتوشدیردینی آتشله فریاد ایدیورز:

بوگون مزارنده بیتن بریایی کلدن باشقه فکرتی ماده دن خاطر لاتن بر اثر بولونمادینی شو زمانده اوتشبات وقت کچرلمه دن احیا ایدلسون و حربک فعالیتلی گونلرندن استفاده ایدرک آچیلان جاده لره صرف ایدیان وقت و نقد برآزده سنه اولورکه! — بو عزیز وظیفه به صرف ایله بر فکرت آبدرکزی رکز ایدلسون.

اگر جاده لرمز مملکتی اعمار و جاده به اضافه ایدیلن اسامی محترمه ملتک برنشانه شکرانی اولمق اوزره تأیید نام ایدیلیورسه فکرت ایچون یاپاجغمز آبدرکزی هم شهری اعمار و هم ده وظیفه شکرانتمیزی ایفا ایتمش اولورز...

وشبه سز بوگون جاده لرمزی ناملرینه اضافه ایله پک مهم وظائف ملیتمیزی ایفا ایتدیکمز محترم شخصیتلرکده فکرت نامی برآبدرکزی ایله «ابدزنده» بر اقلری سلسله امللرندن بری اولسه گرگدر. بناء علیه بو عزیز وظیفه به ایفا ایدلم.

وانشاء الله بو گونلرک نتیجه خیرنده بیلکلرمزی جادوی حربک قائلی نه لارندن غالبانه قورتا. ده رق، موجودیت سیاسی مزه قارش یوره کارمز امنیتله چاربارکن گوزلرمز بو گونلرک قوینده یاپدیغمز

ویا پاجغمز ملی بورجلردن بریسنکده ایفاسنی گورمکه برر بحیره نور و مسرت اولسون ..
و آراق فکرتی بویله هر سنه دوریه افولنده بر، ایکی غزته نك ستونلرنده دکل ، آبدیسی اطرا-
فنده تعزیز ایدم و اوکنده حرمتله نه کیله جک بیکلرجه باش آره سنده ینه بیکلرجه دشمن باشی بوله-
جغمزله امین اولم...

مشافه صرقی

سلیمان پاشا زاده سامی بك

-وفاتی منا-بتیله-

بوهفته ، غزته لرك صوصدینی کونلردن برنده ، ادبیات جدیده برشاعر دها غیب ایتدی . ذاتاً
بایرام طوبلری ایچمزدن ! کسین سوکیلرک سونوكله شمش آجیلرینی اوچوق بر ملاله ده شرکن
بونلره تازه برکدر دها اکلندی : سلیمان پاشا زاده سامی بك !
احتمال اوزنكله بایراملاشمغه کیدن بش اون وفاکار دوست ، بش اون یتیم چوچوق و بش اون
قلم آرقاداشی خلوق شاعرک ، حاولیسندنه جنازه سنی بولدی ! و اوده فکرت کبی ، طوبولمادن ، بر
قاج صمیمی اوموزده کچوب کیتدی . حیاتی کورولتوسز و کوسته ریشتز اولمشدی ، جنازه سنی ده کیم
بیایر ، غلبه لقسز و دبدبه سز اولمشدر .

زوالمی سامی بك ، نه مثل سز برانساندی ! کبار ، تزیه ، متین ، فداکار ، خیرخواه ! ..
فجیع محرومیتلره زده له نمش بر وجودده تمیز و بیاض برروح طاشیردی !
کیم بیایر ، کله جک زمانک فضلده دیدیکله بن قارئلری آره سنده بوخلوق شاعر کندی نه مفتون بر
آشنا بولاجقمی ؟ بلکه خاییر ! فقط انسان سامی بکی طانیان بونسل ، شبهه ایتمه یورم که اونک مصر-
اعلرنده خسته ، نازک ، کنیش صورتده مضویله شمش برروح سوه جک !
ألبت ، سامی بك ده هرشاعر کبی عشقی سوردی . فقط عشق ، اونک نظرنده ، نهایت باکر
برآله دوکولن صاچلره قونمش حزین بر وداع اوپوجکی قدر مادیله شه بیله جکدی .
سامی بکک حیاتی هب تمیز ، وهب تمیزلکدی . قهرمان روحلر و قهرمان اخلاقی انسانلره اک
چوق محتاج اولدیغمز برزمانده اونک بویله خبرسز چکیلیویرمه سی نه آجیقلی شی !
فکرت بزدن چوق یوکسکده برآز اوزاقده طوردینی ایچون اونک صاغلام اخلاق ، کوزلرمزی
قاماشدیرردی . حالبوکه سامی بك ، یانی باشمزدده یوروین ، آره مزده بزه کبر بولاشدیرمادن و بزم
کیرلرمزه بولاشمادن یاشایان غایت سهویملی ، غایت مظلوم براخلاق سیماسیدی .

او، هر وقت برآز سیدک قالمایی ، آکسزین پارلایوب صوگرا سونمه یه ترجیح ایتش بر آدمزدی .
ادبیاتده ، نسلنک اک یوکسکی اوله رق فکرتی بولمشدی . کندی افاده سنی اونک اسلوبنه اک زیاده
یاقلاشدیران ، حتی اونک اسلوبی ایچنده اریتوب یوق ایتک ایسته یین ، یالکز سامی بکدر . کندی